



REPUBLIKA E SHQIPËRISË  
UNIVERSITETI I MJEKËSISË, TIRANË  
REKTORI

Nr. 475/7 Prot.

Tiranë, më 11.03.2026

UDHËZIM

Nr. 1, datë 11.03.2026

**PËR PROCEDURAT E PRANIMIT DHE REGJISTRIMIT NË PROGRAMET E  
SPECIALIZIMEVE AFATGJATA NË FUSHËN E MJEKËSISË, NË UNIVERSITETIN E  
MJEKËSISË, TIRANË, PËR VITIN AKADEMIK 2025-2026**

Në mbështetje të ligjit nr.80/2015, datë 22.07.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë” neni 3, neni 18, neni 70, 71, 77, 78 dhe 89; të Rregullores së studimeve të specializimeve afatgjata të ciklit të tretë në fushën e mjekësisë, në Universitetin e Mjekësisë, Tiranë, miratuar me Vendim nr. 28, datë 25.02.2026 të Senatit Akademik; të Vendimit nr. 154, datë 19.12.2025 “Për miratimin e kuotave të pranimit, tarifave të konkurrimit dhe të shkollimit, në programet e ciklit të tretë të studimeve, specializime afatgjata në fushën e mjekësisë, për vitin akademik 2025-2026, në Universitetin e Mjekësisë, Tiranë”, i ndryshuar me Vendim Qarkullues nr. 18, datë 19.02.2026 të Senatit Akademik; të Vendimit Qarkullues nr.35, datë 11.03.2026 “Për miratimin e shpërndarjes së kuotave të pranimit dhe tarifave të shkollimit në programet e ciklit të tretë të studimeve, specializime afatgjata në fushën e mjekësisë, për vitin akademik 2025-2026, në Universitetin e Mjekësisë, Tiranë” të Senatit Akademik, si dhe të VKM-së nr. 1013, datë 10.12.2010 “Për krijimin e Agjencisë Kombëtare të Provimeve (AKP)”, i ndryshuar me VKM nr. 371, datë 26.04.2017, sot Qendra e Shërbimeve Arsimore (QSHA),

UDHËZOJ:

1. Kandidatët aplikojnë për një program specializues afatgjatë në fushën e mjekësisë, në Universitetin e Mjekësisë, Tiranë (UMT), viti akademik 2025-2026, në zbatim të Vendimit Qarkullues nr. 35, datë 11.03.2026 “Për miratimin e shpërndarjes së kuotave të pranimit dhe tarifave të shkollimit në programet e ciklit të tretë të studimeve, specializime afatgjata në fushën e mjekësisë, për vitin akademik 2025-2026, në Universitetin e Mjekësisë, Tiranë” të Senatit Akademik, nga data **24.03.2026 deri më datë 07.04.2026**.

Procedurat e aplikimit, përzgjedhjes dhe konkurrimit bëhen në përputhje me standardet e cilësisë për programet e studimit të ciklit të tretë “Specializime Afatgjata”, si dhe Rregullores së specializimeve afatgjata në fushën e mjekësisë, në Universitetin e Mjekësisë, Tiranë.

2. Fakulteti i Mjekësisë dhe Fakulteti i Mjekësisë Dentare, Universiteti i Mjekësisë, Tiranë, të organizojnë procesin e pranimit dhe të regjistrimit të kandidatëve në specializimet afatgjata në fushën e mjekësisë.

3. Kanë të drejtë të aplikojnë për programet e specializimeve afatgjata, kandidatët që:
- kanë përfunduar në Republikën e Shqipërisë me sukses studimet dhe janë pajisur me diplomën përkatëse, në një program të integruar të studimeve të ciklit të dytë "Master i Shkencave", si dhe kanë fituar të drejtën e ushtrimit të profesionit në Republikën e Shqipërisë;
  - janë diplomuar jashtë vendit në një program studimi të integruar të ciklit të dytë "Master i Shkencave" ose ekuivalente me të, dhe kanë kryer njësimin e diplomës pranë institucionit përgjegjës, si dhe kanë fituar të drejtën e ushtrimit të profesionit në Republikën e Shqipërisë ose jashtë saj (të njohur në Republikën e Shqipërisë).

Të gjithë kandidatët duhet të plotësojnë kriteret e parashikuara në rregulloren përkatëse të specializimeve afatgjata në fushën e mjekësisë.

4. Kandidati paraqitet personalisht ose një person tjetër i pajisur me prokurë përkatëse prej tij, për të bërë aplikimin dhe dorëzon dokumentacionin e mëposhtëm:
- Formular aplikimi, sipas modelit të përcaktuar në Shtojcën 2 (për rastet e transferimeve, sipas modelit të përcaktuar në Shtojcën 2a).
  - Letër motivimi e aplikantit.
  - Kopje e dokumentit të identifikimit të vlefshëm, kartë identiteti ose pasaportë.
  - Kopje e njësuar me origjinalin në Republikën e Shqipërisë e diplomës universitare dhe listës së notave. Për rastet e diplomave të huaja paraqitet kopje e njësuar me origjinalin e vërtetimit të njohjes në Republikën e Shqipërisë, e shoqëruar me diplomën dhe listën përkatëse të notave ose të një dokumenti tjetër të vlefshëm për regjistrimin në Universitet në vendin ku janë kryer studimet të lëshuar nga institucioni i arsimit të lartë përkatës. Në rast se njohja e diplomës nuk ka përfunduar ende, kandidati paraqet vërtetim që ka dorëzuar dokumentacionin për njohje në ministrinë përgjegjëse për arsimin, dhe duhet të dorëzojë dokumentin e njohjes jo më vonë se data e parashikuar për testimin e informatizuar, si dhe përpara shpalljes së rezultatit përfundimtar nga Komisioni i Vlerësimit.
  - Kopje e njësuar me origjinalin në Republikën e Shqipërisë e dokumentit që vërteton njohjen e gjuhës së huaj, sipas përcaktimit në nenin 19, pika 3, të rregullores së studimeve të specializimeve afatgjata, përkatësisht: *"Të zotërojë të paktën një nga gjuhët e huaja: anglisht, italisht, frëngjisht, gjermanisht, spanjisht, sipas akteve nënligjore në fuqi, niveli B2."*
  - Kopje e njësuar me origjinalin në Republikën e Shqipërisë e licencës për ushtrimin e profesionit në Republikën e Shqipërisë dhe e dëshmisë së regjistrimit në Urdhrin profesional përkatës.
  - Dëshmi penaliteti të marrë brenda tre muajve të fundit nga data e aplikimit.
  - Vërtetim i gjendjes shëndetësore të marrë brenda tre muajve të fundit nga data e aplikimit (raport mjekësor).
  - Mandat pagesa për tarifën e aplikimit dhe konkurrimit prej 5000 (pesëmijë) lekë.
  - Kandidatët që aplikojnë për kuotat e ministrive përkatëse, dorëzojnë një letër mbështetëse sipas formatit në shtojcën nr. 3, bashkëlidhur këtij udhëzimi;
  - Dy foto personale.
5. Dekanatet përcjellin listën e kandidatëve që kanë aplikuar për programe studimi specializime afatgjata në Rektoratit e UMT brenda datës **07.04.2026**. Dekanatet, brenda kësaj date, publikojnë listën e kandidatëve në faqet zyrtare të internetit.

6. Dekanatet brenda datës **09.04.2026**, përcjellin pranë Rektoratit të UMT-së listën emërore të kandidatëve që plotësojnë kriteret për të marrë pjesë në procesin e konkurrimit dhe listën emërore të kandidatëve të skualifikuar. Dekanatet, brenda kësaj date, publikojnë listat e anonimizuara të kandidatëve në faqet zyrtare të internetit.
  7. Kandidatët verifikojnë listat e shpallura dhe në rast pasaktësish, bëjnë kërkesë për saktësim pranë dekanatit të fakultetit përkatës brenda datës **10.04.2026**.
  8. Dekanatet pas kryerjes së verifikimeve shpallin brenda datës **14.04.2026** listat përfundimtare të kandidatëve që plotësojnë kriteret dhe i përcjellin ato në Rektoratin e UMT-së.
  9. Rektorati përcjell në QSHA, listat përfundimtare të kandidatëve që plotësojnë kriteret, brenda datës **16.04.2026**.
  10. Rektori përcakton datat e zhvillimit të testimit të informatizuar, pas konsultimit zyrtar me QSHA. Datat e zhvillimit të testimit të informatizuar shpallen nga dekanatet përkatëse në faqen zyrtare të internetit.
  11. Testimi i informatizuar fillon jo më parë se 4 (katër) javë nga publikimi i fondit të pyetjeve. Testimi i informatizuar zhvillohet në Qendrën e Shërbimeve Arsimore sipas kalendarit të përcaktuar, bazuar në disponibilitetin e ambienteve të testimit të përcaktuara nga QSHA.
  12. Ditën e zhvillimit të provimit, kandidatët duhet të kenë dokumentacionin e mëposhtëm:
    - a) Dokument identiteti (kartë identiteti ose pasaportë), si dhe një fotokopje të saj;
    - b) Mandat pagesën për tarifën e testimit të informatizuar për llogari të QSHA-së, sipas VKM nr. 560, datë 29.9.2018, pika 2, aneksi1/3 (mandat pagesa tërhiqet pranë QSHA),  
si dhe të zbatojnë rregullat si më poshtë:
      - i. të paraqiten së paku 30 minuta përpara fillimit të provimit/testimit;
      - ii. ndalohet mbajtja dhe përdorimi i celularëve dhe mjeteve të tjera të komunikimit gjatë zhvillimit të provimit, pasi kjo vlerësohet si kriter skualifikimi;
      - iii. ndalohet duhani dhe konsumimi i ushqimit në mjediset e provimit;
      - iv. ndalohet komunikimi gjatë zhvillimit të provimit.
- Sallat e provimit mbikëqyren nga një ose më shumë administratorë, të cilët janë përgjegjës për mbarëvajtjen e provimit /testimit sipas përcaktimeve në rregulloren përkatëse të specializimeve dhe këtij udhëzimi.
13. Qendra e Shërbimeve Arsimore kryen dhe zbaton procedurat për zhvillimin e provimeve të specializimit, përmes teknologjisë digjitale. QSHA lidhur me zhvillimin e provimeve të specializimit, kryen sa më poshtë:
    - a. Digjitalizon fondin e pyetjeve për çdo specialitet të miratuar nga Komisioni i Vlerësimit.
    - b. Harton në bashkëpunim me Fakultetin e Mjekësisë dhe Fakultetin e Mjekësisë Dentare të Universitetit të Mjekësisë, Tiranë, grafikun e datave të provimeve.
    - c. Publikon listat e kandidatëve sipas datës dhe orarit të caktuar për zhvillimin e provimit.
    - d. Verifikon identitetin dhe dokumentet përkatëse të kandidatëve pjesëmarrës në provimet e specializimit.



- e. Siguron kushte të përshtatshme në sallat e provimit për zhvillimin e provimit të specializimit përmes teknologjisë digjitale.
  - f. Siguron kushte të përshtatshme për kandidatët me aftësi të kufizuara fizike.
  - g. Merr masa për hartimin e formatit të testit sipas përcaktimit të bërë nga Komisioni i Vlerësimit.
  - h. Mban procesverbale për çdo vendimarrje gjatë procedurave të zhvillimit të provimeve të specializimit, deri në shpalljen e rezultateve.
  - i. Dërgon rezultatet e provimit të specializimit pranë Universitetit të Mjekësisë, Tiranë.
14. Komisioni i Vlerësimit, në përfundim të testimit të informatizuar, konverton notën mesatare të ponderuar të studentit sipas dokumentacionit të certifikuar, pikët e marra në testimin e informatizuar dhe nxjerr totalin e pikëve të kandidatit, sipas përcaktimeve në nenin 33 të rregullores së studimeve të specializimeve afatgjata.
  15. Në përfundim të procesit, Komisioni i Vlerësimit përpilon listën me renditjen paraprake të kandidatëve në bazë të pikëve të grumbulluara, sipas rendit zbritës (listë merite), ku përcaktohen pikët për vlerësimin e mesatares dhe të testimit të informatizuar, brenda çdo tipologjie kuotash të miratuara, sipas tabelës së paraqitur në shtojcën nr. 1 dhe 1.a bashkëlidhur këtij udhëzimi.
  16. Lista me renditjen paraprake të kandidatëve në bazë të pikëve të grumbulluara i përcillet zyrtarisht Rektoratit të UMT dhe shpallet në faqen zyrtare të internetit të fakultetit përkatës brenda 48 orëve nga përfundimi i testimit të informatizuar.
  17. Kandidatët kanë të drejtë të ankimojnë rezultatin e pikëve të grumbulluara në listën paraprake, brenda 24 orësh nga shpallja e tij. Komisioni i Vlerësimit merr në shqyrtim ankimimet dhe prononcohet brenda 2 ditëve me vendimin përkatës.
  18. Komisioni i Vlerësimit përgatit listën përfundimtare të renditjes së kandidatëve sipas rendit zbritës (listë meritë) të cilën e përcjell zyrtarisht në Rektoratin e UMT-së, së bashku me Vendimet e Komisionit. Kandidatët që kanë grumbulluar jo më pak se 380 (treqind e tetëdhjetë) pikë nga numri i pikëve totale të konvertuara (maksimumi 1000 pikë), kualifikohen për procesin e përzgjedhjes së programit të specializimit sipas sistemit të meritës. Lista përfundimtare publikohet në faqen zyrtare të internetit të fakultetit.
  19. Zgjedhja e programit të specializimit afatgjatë bëhet jo më vonë se 7 (shtatë) ditë nga shpallja e rezultateve përfundimtare, përfshirë dhe procedurat e ankimimit sipas afateve të përcaktuara në rregulloren e specializimeve. Të drejtën e regjistrimit si fitues e kanë aq persona sa janë edhe kuotat e caktuara në programin e Specializimit përkatës, sipas rendit zbritës të pikëve totale.
  20. Zgjedhja e specializimit bëhet në mënyrë transparente, nga vetë kandidatët fitues, sipas rendit zbritës të pikëve në listën përfundimtare, të ndërtuar në bazë të pikëve të fituara nga çdo kandidat, si dhe në përputhje me kuotat e miratuara me Vendimin Qarkullues nr. 35, datë 11.03.2026 të Senatit Akademik të Universitetit të Mjekësisë, Tiranë, në prani të Komisionit të Vlerësimit, me praninë e kandidatëve të interesuar (grupe me nga 5 kandidatë).
  21. Regjistrimi i kandidatëve në programet e specializimit afatgjatë ku janë shpallur fitues bëhet brenda 7 ditëve nga data e përzgjedhjes së specializimit.



22. Transferimet e studimeve do të kryhen në zbatim të pikës 1/f të Vendimit Qarkullues nr. 35, datë 11.03.2026 të Senatit Akademik të Universitetit të Mjekësisë, Tiranë.

Kandidatët që aplikojnë për transferim studimesh, përveç dokumentacionit të sipërcituar, duhet të dorëzojnë edhe dokumentacionin si më poshtë vijon:

- a) Planin e plotë të programit të studimit specializues të ndjekur;
- b) Vërtetim të listës së notave dhe krediteve të fituara për çdo lëndë dhe detyrim të shlyer, si dhe syllabuset përkatëse për lëndët e shlyera, i cili do të shërbejë për ekuivalentimin e notave të lëndëve të programit të studimit të ndjekur;
- c) Vërtetim për periudhat e praktikave dhe frekuentimin e aktiviteteve të parashikuara në programin specializues të ndjekur.

Aplikimet për transferimin e studimeve shqyrtohen nga Komisioni i Vlerësimit në të njëjtat data me aplikantët e tjerë të përcaktuara në këtë udhëzim. Kandidatët që plotësojnë kriteret për tu transferuar, vlerësohen për periudhën e specializimit të kryer dhe ekuivalentimin e saj, si dhe krediteve të përfituara gjatë studimeve të mëparshme duke i përcaktuar vitin se ku mund të transferohet eventualisht kandidati.

Regjistrimi i kandidatëve që transferohen në programet e specializimit afatgjatë ku janë shpallur fitues bëhet brenda 7 ditëve nga data e shpalljes. Kandidatët që do të regjistrohen në kuadër të kuotave të transferimit duhet të dorëzojnë dhe dokumentin e çregjistrimit nga programi i specializimit nga ku transferohen.

23. Në zbatim të Udhëzimit Nr. 6, datë 19.02.2018 “Për gjenerimin dhe dhënien e numrave të matrikullimit” i ndryshuar të MA, Universiteti i Mjekësisë, Tiranë brenda 30 ditëve punë nga regjistrimi i kandidatëve fitues i dërgon QSHA-së, listën e studentëve specializantë të regjistruar, në formë shkresore dhe elektronike në format excel, me qëllim pajisjen me numër matrikullimi.
24. Kandidati nuk mund të ndjekë njëkohësisht dy programe studimi në IAL publike dhe/ose private. QSHA pas verifikimit i kërkon UMT-së ta çregjistrojë atë.
25. Për specializantët që kanë përfituar nga kuotat e mbuluara nga Ministria e Shëndetësisë dhe Mirëqenies Sociale apo nga Ministri të tjera, marrëdhëniet kontraktuale financiare lidhen mes specializantit dhe Ministrisë përkatëse sipas parashikimeve në Rregulloren përkatëse.
26. Për të gjitha çështjet që nuk trajtohen në këtë udhëzim merret për referencë Rregullorja e specializimeve afatgjata në fushën e mjekësisë, miratuar me Vendimin nr. 28, datë 25.02.2026 “Për miratimin e rregullores së studimeve të specializimeve afatgjata, të ciklit të tretë, në fushën e mjekësisë, në Universitetin e Mjekësisë, Tiranë”, të Senatit Akademik të UMT-së.
27. Ngarkohen njësitë kryesore të Universitetit të Mjekësisë, Tiranë, për zbatimin e këtij Udhëzimi.
28. Ky udhëzim hyn në fuqi menjëherë, bëhet publik në faqen zyrtare të Universitetit të Mjekësisë, Tiranë, si dhe i përcillet Ministrive përkatëse dhe QSHA-së.

REKTORI  
Prof. Dr. Xheladin DRAÇINI

**Shtojca nr. 1**

Nr.	Emër	Atësia	Mbiemër	Datëlindje	Pikët e akorduara		
					Testi i informatizuar	Nota mesatare	Pikët totale

**Shtojca nr. 1.a**

Nr.	Emër	Atësia	Mbiemër	Emër i programit specializues nga transferohet	IAL-ja nga transferohet	Viti i studimit i ndjekur në vitin akademik të mëparshëm	Kreditet (ECTS) të grumbulluara nga kandidati	Emërtimi i programit të studimit specializues ku transferohet	Viti i studimit ku transferohet	Pikët e akorduara		
										Testim i informatizuar	Nota mesatare	Pikët totale
1												
2												
3												

## Shtojca 2

### FORMULAR APLIKIMI

Unë i/e nënshkruari/a \_\_\_\_\_, lindur më \_\_\_\_\_  
emri atësia mbiemri  
në \_\_\_\_\_, Vendbanimi \_\_\_\_\_  
me kartë identiteti/pasaportë nr. \_\_\_\_\_  
Adresa \_\_\_\_\_  
Tel \_\_\_\_\_, Cel \_\_\_\_\_, E-mail \_\_\_\_\_,

#### KËRKOJ:

Të aplikoj për të vazhduar Specializimin Afatgjatë pranë Fakultetit të \_\_\_\_\_ duke përfituar nga (të shënohet me "x" vetëm një nga alternativat e mëposhtme):

- Kuotat e pranimi të mbuluara nga Ministria e Shëndetësisë dhe Mbrojtjes Sociale/Kuotat e pambuluara (të lira)
- Kuotat e pranimi për Ministrinë e Drejtësisë
- Kuotat e pranimi për Ministrinë e Mbrojtjes
- Kuotat e pranimi për Ministrinë e Brendshme

Në momentin e paraqitjes së kësaj kërkesë, nën përgjegjësinë time ligjore,

#### DEKLAROJ se:

- Zotëroj:
  - Diplomë të Integruar të Ciklit të Dytë "Master i Shkencave" në \_\_\_\_\_, lëshuar nga IAL \_\_\_\_\_, Shteti \_\_\_\_\_
  - të njohur në RSH (për diplomat e huaja)
  - Diplomë të Ciklit të Dytë "Master i Shkencave" në \_\_\_\_\_, Lëshuar nga IAL \_\_\_\_\_, Shteti \_\_\_\_\_
  - të njohur në RSH (për diplomat e huaja)
- Kam notë mesatare të ponderuar të gjithë viteve të studimeve universitare (cikli i parë+cikli i dytë ose diplomë e integruar e ciklit të dytë) \_\_\_\_\_ (me dy shifra të rrumbullakosura pas presjes dhjetore).
- Nuk jam duke kryer dhe nuk kam kryer më parë një program specializimi afatgjatë në fushën e mjekësisë.
- Zotëroj gjuhën/t e huaj/a më poshtë:
  - Angleze, niveli \_\_\_\_\_
  - Italiane, niveli \_\_\_\_\_

- Frënge, niveli \_\_\_\_\_
- Gjermane, niveli \_\_\_\_\_
- Spanjolle, niveli \_\_\_\_\_

- Bashkëlidhur këtij formulari kam dorëzuar:

- Letër motivimi.
- Fotokopje e dokumentit të identifikimit të vlefshëm, kartë identiteti ose pasaportë.
- Kopje e njësuar me origjinalin në Republikën e Shqipërisë e diplomës universitare, të programit të studimit të ciklit të parë “Bachelor” si dhe të ciklit të dytë “Master i Shkencave”, ose të programit të integruar të studimeve të ciklit të dytë, dhe listës/listave të notave.
- Për rastet e diplomave të huaja paraqitet kopje e njësuar me origjinalin e vërtetimit të njohjes në Republikën e Shqipërisë, e shoqëruar me diplomën/diplomat dhe listën/listat përkatëse të notave ose të një dokumenti tjetër të vlefshëm për regjistrimin në Universitet në vendin ku janë kryer studimet, të lëshuar nga institucioni i arsimit të lartë përkatës.
- Vërtetim që ka dorëzuar dokumentacionin për njohje në organin kompetent (nëse procesi i njohjes nuk ka përfunduar ende). Dokumenti i njohjes duhet të dorëzohet jo më vonë se data e parashikuar për testimin e informatizuar, si dhe përpara shpalljes së rezultatit përfundimtar nga Komisioni i Vlerësimit.
- Kopje e njësuar me origjinalin në Republikën e Shqipërisë e dokumentit/eve që vërteton/jnë njohjen e gjuhës së huaj/gjuhëve të huaja.
- Kopje e njësuar me origjinalin në Republikën e Shqipërisë e licencës për ushtrimin e profesionit në Republikën e Shqipërisë.
- Kopje e njësuar me origjinalin në Republikën e Shqipërisë e dëshmisë së regjistrimit në Urdhrin Profesional përkatës në Republikën e Shqipërisë.
- Dëshmi penaliteti të marrë brenda tre muajve të fundit nga data e aplikimit.
- Vërtetim i gjendjes shëndetësore të marrë brenda tre muajve të fundit nga data e aplikimit (raport mjekësor).
- Letër mbështetëse nga Ministria përkatëse.
- Mandat pagesën për aplikimin dhe konkurrimin (e cila është e pakthyeshme)
- Dy foto personale.

- Deklaroj se jam në dijeni të faktit se në përfundim të procesit të konkurrimit dhe pas regjistrimit, duhet të paraqes kontratën e nënshkruar me ministrinë përkatëse, jo më vonë se 2 (dy) javë nga data e regjistrimit. Mosrespektimi i kësaj kontrate ka penalitetet përkatës të parashikuara në kontratën e lidhur mes palëve.
- Autorizoj UMT, Ministrinë përgjegjëse për arsimin, Ministrinë përgjegjëse për shëndetësinë dhe QSHA për trajtimin e të dhënave të mia personale në kuadër të aplikimit dhe regjistrimit për vazhdimin e studimeve specializuese, si dhe publikimin eventual të tyre.
- Autorizoj, gjithashtu, Ministrinë përgjegjëse për arsimin dhe QSHA për kryerjen e të gjitha verifikimeve dhe marrjen e të gjitha informacioneve lidhur me: studimet universitare ku kam aplikuar për t’u regjistruar, periudhën e studimeve të kryera më parë, dhe çdo lloj verifikimi tjetër që lidhet me sa më sipër.

- Deklaroj se nuk po ndjek ndonjë program tjetër studimi në institucione të tjera të arsimit të lartë, dhe se nuk do të ndjek njëkohësisht një program tjetër studimi, deri në përfundimin e programit të studimit ku po aplikoj.
- Deklaroj se jam njohur me rregulloren e specializimeve afatgjata në fushën e mjekësisë, e ndryshuar, si dhe udhëzimin përkatës të Rektorit të Universitetit të Mjekësisë, Tiranë, dhe jam i qartë për procedurat e aplikimit dhe konkurrimit, si dhe plotësoj kriteret e parashikuara në rregulloren e sipërcituar, udhëzimin, si dhe vendimin përkatës të Senatit Akademik të Universitetit të Mjekësisë, Tiranë.
- Deklaroj vërtetësinë e të dhënave dhe dokumenteve të paraqitur. Jam i vetëdijshëm se, në rast deklarimi të të dhënave të pavërteta apo të paraqitjes së dokumenteve të falsifikuara apo me të dhëna jo të vërteta, jam subjekt i masave të parashikuara në Kodin Penal dhe aktet e tjera ligjore e nënligjore në fuqi. Në rast dyshimi për vërtetësinë e informacionit të deklaruar, Universiteti i Mjekësisë Tiranë, ministria përgjegjëse për arsimin dhe/ose QSHA nisin procedurën e kontrollit të tyre duke ia përcjellë këto të dhëna eventualisht edhe organeve ligjore kompetente.

( \_\_\_\_\_ )

Emër Atësi Mbiemër  
i kandidatit

Firma

( \_\_\_\_\_ )

Emër Mbiemër  
i punonjësit të ngarkuar për pranimin e aplikimit

Firma

Vendi: \_\_\_\_\_ Data: \_\_\_\_ . \_\_\_\_ . \_\_\_\_\_, ora \_\_\_\_\_

**Shtojca nr. 2a**

**FORMULAR APLIKIMI (Për transferimet)**

Unë i/e nënshkruari/a \_\_\_\_\_, lindur më \_\_\_\_\_  
emri atësia mbiemri

në \_\_\_\_\_, Vendbanimi \_\_\_\_\_

me kartë identiteti/pasaportë nr. \_\_\_\_\_

Adresa \_\_\_\_\_,

Tel \_\_\_\_\_, Cel \_\_\_\_\_, E-mail \_\_\_\_\_,

**KËRKOJ:**

Të transferohem për të vazhduar Specializimin Afatgjatë në programin e studimit: \_\_\_\_\_,

Në momentin e paraqitjes së kësaj kërkesë, nën përgjegjësinë time ligjore,

**DEKLAROJ se:**

• Zotëroj:

Diplomë të Integruar të Ciklit të Dytë “Master i Shkencave” në \_\_\_\_\_,  
lëshuar nga IAL \_\_\_\_\_, Shteti \_\_\_\_\_

të njohur në RSH (për diplomat e huaja)

Diplomë të Ciklit të Dytë “Master i Shkencave” në \_\_\_\_\_,  
lëshuar nga IAL \_\_\_\_\_, Shteti \_\_\_\_\_

të njohur në RSH (për diplomat e huaja)

- Kam notë mesatare të ponderuar të të gjithë viteve të studimeve universitare (cikli i parë+cikli i dytë ose diplomë e integruar e ciklit të dytë) \_\_\_\_\_ (me dy shifra të rumbullakosura pas presjes dhjetore).

- Po ndjek programin specializues afatgjatë në \_\_\_\_\_  
pranë IAL-së \_\_\_\_\_, shteti \_\_\_\_\_

• Zotëroj gjuhën/t e huaj/a më poshtë:

Angleze niveli \_\_\_\_\_

Italiane niveli \_\_\_\_\_

Frënge niveli \_\_\_\_\_

Gjermane niveli \_\_\_\_\_

Spanjolle niveli \_\_\_\_\_

- Bashkëlidhur këtij formulari kam dorëzuar:
  - Letër motivimi.
  - Fotokopje e dokumentit të identifikimit të vlefshëm, kartë identiteti ose pasaportë.
  - Kopje e njësuar me origjinalin në Republikën e Shqipërisë e diplomës universitare, të programit të studimit të ciklit të parë “Bachelor” si dhe të ciklit të dytë “Master i Shkencave”, ose të programit të integruar të studimeve të ciklit të dytë, dhe listës/listave të notave.
  - Për rastet e diplomave të huaja paraqitet kopje e njësuar me origjinalin e vërtetimit të njohjes në Republikën e Shqipërisë, e shoqëruar me diplomën/diplomat dhe listën/listat përkatëse të notave ose të një dokumenti tjetër të vlefshëm për regjistrimin në Universitet në vendin ku janë kryer studimet, të lëshuar nga institucioni i arsimit të lartë përkatës.
  - Vërtetim që ka dorëzuar dokumentacionin për njohje në ministrinë përgjegjëse për arsimin (nëse procesi i njohjes nuk ka përfunduar ende). Dokumenti i njohjes duhet të dorëzohet jo më vonë se data e parashikuar për testimin e informatizuar, si dhe përpara shpalljes së rezultatit përfundimtar nga Komisioni i Vlerësimit.
  - Kopje e njësuar me origjinalin në Republikën e Shqipërisë e dokumentit/eve që vërteton/jnë njohjen e gjuhës së huaj/gjuhëve të huaja.
  - Kopje e njësuar me origjinalin në Republikën e Shqipërisë e licencës për ushtrimin e profesionit në Republikën e Shqipërisë.
  - Kopje e njësuar me origjinalin në Republikën e Shqipërisë e dëshmisë së regjistrimit në Urdhrin Profesional përkatës në Republikën e Shqipërisë.
  - Dëshmi penaliteti të marrë brenda tre muajve të fundit nga data e aplikimit.
  - Vërtetim i gjendjes shëndetësore të marrë brenda tre muajve të fundit nga data e aplikimit (raport mjekësor).
  - Letër mbështetëse nga Ministria përkatëse.
  - Mandat pagesën për konkurrimin (e cila është e pakthyeshme)
  - Dy foto personale.
  - Planin e plotë të programit të studimit specializues të ndjekur.
  - Vërtetim të listës së notave dhe krediteve të fituara për çdo lëndë dhe detyrim të shlyer, si dhe syllabuset përkatëse për lëndët e shlyera i cili do të shërbejë për ekuivalentimin e notave të lëndëve të programit të studimit të ndjekur.
  - Vërtetim për periudhat e praktikave dhe frekuentimin e aktiviteteve të parashikuara në programin specializues të ndjekur.
- Deklaroj se jam në dijeni të faktit se në përfundim të procesit të konkurrimin dhe pas regjistrimit, duhet të paraqes kontratën e nënshkruar me ministrinë përkatëse, jo më vonë se 2 (dy) javë nga data e regjistrimit. Mosrespektimi i kësaj kontrate ka penalitetet përkatës të parashikuara në kontratën e lidhur mes palëve.
- Autorizoj UMT, Ministrinë përgjegjëse për arsimin, Ministrinë përgjegjëse për shëndetësinë dhe QSHA për trajtimin e të dhënave të mia personale në kuadër të aplikimit dhe regjistrimit për vazhdimin e studimeve specializuese, si dhe publikimin eventual të tyre.
- Autorizoj, gjithashtu, Ministrinë përgjegjëse për arsimin dhe QSHA për kryerjen e të gjitha verifikimeve dhe marrjen e të gjitha informacioneve lidhur me: studimet universitare ku kam

aplikuar për t'u regjistruar, periudhën e studimeve të kryera më parë, dhe çdo lloj verifikimi tjetër që lidhet me sa më sipër.

- Deklaroj se jam në dijeni se para regjistrimit përfundimtar duhet të paraqes dokumentin e çregjistrimit nga programi specializues afatgjatë që jam duke ndjekur, dhe se mosparaqitja e dokumentit të çregjistrimit nuk lejon regjistrimin përfundimtar në programin specializues ku kam aplikuar. Deklaroj se nuk do të ndjek njëkohësisht një program tjetër studimi, deri në përfundimin e programit të studimit ku po aplikoj.
- Deklaroj se jam njohur me rregulloren e specializimeve afatgjata në fushën e mjekësisë, e ndryshuar, si dhe udhëzimin përkatës të Rektorit të Universitetit të Mjekësisë, Tiranë dhe jam i qartë për procedurat e aplikimit dhe konkurrimit, si dhe plotësoj kriteret e parashikuara në rregulloren e sipërcituar, udhëzimin, si dhe vendimin përkatës të Senatit Akademik të Universitetit të Mjekësisë, Tiranë.
- Deklaroj vërtetësinë e të dhënave dhe dokumenteve të paraqitur. Jam i vetëdijshëm se, në rast deklarimi të të dhënave të pavërteta apo të paraqitjes së dokumenteve të falsifikuara apo me të dhëna jo të vërteta, jam subjekt i masave të parashikuara në Kodin Penal dhe aktet e tjera ligjore e nënligjore në fuqi. Në rast dyshimi për vërtetësinë e informacionit të deklaruar, Universiteti i Mjekësisë, Tiranë; Ministria përgjegjëse për arsimin dhe/ose QSHA nisin procedurën e kontrollit të tyre duke ia përcjellë këto të dhëna eventualisht edhe organeve ligjore kompetente.

( \_\_\_\_\_ )

( \_\_\_\_\_ )

Emër Atësi Mbiemër  
i kandidatit

Emër Mbiemër  
i punonjësit të ngarkuar për pranimin e aplikimit

Firma

Firma

Vendi: \_\_\_\_\_ Data: \_\_\_\_ . \_\_\_\_ . \_\_\_\_\_, ora \_\_\_\_\_

**Shtojca nr. 3**

Stema dhe emri i Ministrisë mbështetëse

**Ministri**

Nr. \_\_\_\_\_ Prot

Datë \_\_\_\_ . \_\_\_\_ . \_\_\_\_

**LETËR MBËSHTETËSE**

Në zbatim të Vendimit Qarkullues të Senatit Akademik të Universitetit të Mjekësisë, Tiranë, nr.35, datë 11.03.2026 “Për miratimin e shpërndarjes së kuotave të pranimit dhe tarifave të shkollimit në programet e ciklit të tretë të studimeve, specializime afatgjata në fushën e mjekësisë, për vitin akademik 2025-2026, në Universitetin e Mjekësisë, Tiranë”, si dhe propozimit të:

\_\_\_\_\_  
(Emërtimi i institucionit ku kandidati është punësuar aktualisht)

mbështesim kërkesën e kandidatit \_\_\_\_\_  
(Emër, atësi, mbiemër i kandidatit/kandidates)

Për të aplikuar me kuotat e Ministrisë \_\_\_\_\_  
(Emërtimi i Ministrisë që lëshon letrën mbështetëse)

Në programin specializim afatgjatë në \_\_\_\_\_  
(Emërtimi i programit specializues)

**TITULLARI**

Firma, Vula